



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

LV. B. Stanislaus Kostka declaratur Patronus Poloniæ, Lithuanianæ, &
adjunctarum Provinciarum.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

1673.
Contrario-
m derogatio.

Clemens IX.
facultates
concessas dd.
Vicariis
Ap. st. ab
Alex. VII.
ad aliud Sep-
tennium pro-
rogavit.

Absolutio à
Censuris.

Pontifex eaf-
dem facultates
dd. Vicariis
Ap. st. ab
Alex. VII.
prorogat ad
aliud Septen-
nium.

Derogat con-
trariis.

Edit. 23. Dec.
1673. An. 4.

libusque Conciliis editis Generalibus, vel specialibus Constitutionibus, & Ordinationibus, cæterisque contrariis quibuscumque. Datum Romæ apud S. Mariam Majorem sub Annulo Piscatoris die 13. Marti, 1665. Pontificatus nostri Anno Decimo.

§. 4. Et subinde fel. record. Clemens Papa IX. prædecessor noster facultatem eisdem Episcopis Vicariis Apostolicis per præsertas literas à memorato Alexandro prædecessore ad septennium prorogatas, & de novo concessas respectivo ad alios septem annos pariter auctoritate extendit, & prorogavit, & alias prout in ipsius Clementis prædictis literis pari in forma Brevis die 13. Octobris 1669. desuper expeditis, quarum tenorem præsentibus pro plene, & sufficienter expresso & inserto haberi volumus, uberius continetur.

§. 5. Nunc autem Nos, ut Christiana Religio, & Catholica Fides, Domino benedicente, in partibus prædictis firmiter stabilisque solidari, & latius propagari valeant, pro commissa nobis cælestis Pastoralis Officii cura, salubriter providere, ac supradictos Episcopos Vicarios Apostolicos amplioris favore gratiæ prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis censuris, & pœnis à Jure, vel ab homine quavis occasione, vel causa latis, si quibus quomodolibet innodatæ existunt, ad effectum præsentium dumtaxat consequendum harum serie absolventes, & absolutas fore consentes, de particulari Congregationis Venerabilium Fratrum nostrorum ejusdem S. R. E. Cardinalium negotiis prædictæ Fidei præpositorum consilio, eisdem facultates, quæ dictis Episcopis Vicariis Apostolicis per præsertas literas à præfato Alexandro prædecessore ad septennium prorogata, & de novo concessa, ac ad alios septem annos à dicto Clemente prædecessore per suas præfatas literas prorogata fuerunt, respectivo, ut præfertur, ad aliud septennium à fine eorundem septem annorum à Clemente prædecessore prorogatorum computandum, quo & residuo temporis, ut præfertur, prorogati durantibus, ipsi Episcopi Vicarii Apostolici, illis quos ad sacros Ordines viatore facultatum hujusmodi promoverint, etiam recitationem Officii divini horarum videlicet Canoniarum in alias preces per eos diebus singulis recitandas eorum arbitrio auctoritate nostra Apostolica commutare, libere pariter, & licite possint, & valeant, servata tamen, & salva in reliquis remanente earundem Alexandri, & Clementis prædecessorum literarum forma, & dispositione, dicta auctoritate harum serie prorogamus pariter, & extendimus, & ampliamus, salva semper in præmissis auctoritate Congregationis eorundem Cardinalium.

§. 6. Non obstantibus Constitutionibus, & Ordinationibus Apostolicis, necnon omnibus, & singulis illis, quæ in prædictis Alexandri, & Clementis prædecessorum literis concessa sunt non obstare, cæterisque contrariis quibuscumque.

Datum Romæ apud S. Mariam Majorem sub Annulo Piscatoris die 23. Decembris 1673. Pontificatus nostri Anno quarto.

I. G. Slusius.

Reg. in Sec. in lib. Brevium Mensis Januarii part. 1. fol. 105.

LIV.

Indulgentia Plenaria perpetua pro visitantibus aliquam ex Ecclesiis Fratrum, & Monialium Ordinis Excalceatorum B. Mariæ de Mercede Redemptionis Captivorum tam erectis, quam erigendis in S. Petri Nolasci, S. Raymundi

Nonnati, S. Josephi, & apparitionis S. Michaelis Archangeli, ac Dominica proximiori Kal. Augusti diebus.

CLEMENS PAPA X.

Ad perpetuam rei memoriam.

Redemptoris, & Domini nostri Jesu Christi, qui gloriosos saluberrimorum, quæ nobis reliquit exemplorum Sectatores, Ordinumque Religiosorum Institutores altis decoravit honoribus, ac cælestis beatitudinis consortes efficit, vices licet immeriti gerentes in terris, Spirituum munerum Thesaurus dispensationi nostræ creditis libenter erogamus, sicut ad fovendam, incitandamque fideliem erga eisdem Beatos Colli incolas devotionem salubriter expedire in Domino arbitramur. Itaque ad augendam Fidelium Religionem, & Animarum salutem cælestibus Ecclesiæ Thesauris pia charitate intenti, ac de Omnipotentis Dei misericordia, & Beatorum Petri, & Pauli Apostolorum ejus auctoritate confisi, necnon dilecti filii Francisci de Sancto Marco Procuratoris Generalis Fratrum Excalceatorum Ordinis Beatæ Mariæ de Mercede Redemptionis Captivorum supplicationibus nobis super hoc humiliter porrectis inclinati, omnibus, & singulis utriusque sexus Christi fidelibus vere pœnitentibus, & confessis, ac sacra Communionem refectis, qui aliquam ex Ecclesiis Fratrum, & monialium dicti Ordinis tam hæcenus erectis, quam in posterum quancumque erigendis, & ubique locorum existent in Sancti Petri Nolasci dicti Ordinis Fundatoris, S. Raymundi Nonnati, Sancti Josephi, & apparitionis Sancti Michaelis Archangeli festis, necnon Dominica proximiori Kalendis mensis Augusti diebus à primis vespere usque ad occasum solis dierum hujusmodi annis singulis devote visitaverint, & ibi pro Christianorum Principum concordia, hæresum extirpatione, ac Sanctæ Mariæ Ecclesiæ exaltatione pias ad Deum preces effuderint, quo die prædictorum id egerint, plenariam omnium peccatorum suorum Indulgentiam, & remissionem misericorditer in Domino concedimus.

§. 1. Volumus autem, ut præsentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in judicio, & extra illud ubique habeatur, quæ haberetur ipsis præsentibus si originaliter exhibitæ forent, vel ostensæ.

Datum Romæ apud S. Mariam Majorem sub Annulo Piscatoris, die 29. Decembris 1673. Pontificatus nostri Anno Quarto.

Placet E.

Registrata in Secr. Brevium lib. 4. diversorum fol. 207.

Declaratio B. Stanislai Kostka Poloni Societatis Jesu in Patronum principalem Regni Poloniæ, & magni Ducatus Lithuanicæ, & adjunctarum Provinciarum, cum prærogativis, quæ principioribus Patronis competunt, & quibus ibidem gaudent SS. Adalbertus, & Stanislus, alique principiores Patroni, cum Indulto, ut annua dicti Beati memoria in posterum ad Dominicam proximam post diem 13. Novembris transferri possit in dd. Regno, Ducatu, & provinciis adjunctis dumtaxat.

CLEMENS PAPA X.

Ad perpetuam rei memoriam.

EX injuncto nobis Divinitus Apostolicæ servitutis munere in eam curam peculiari studio

Exordium.

incumbi-

incumbimus, ut Beatorum aeternae gloriae possessorum quos Divina bonitas corona justitiae donavit in Coelis, cultum, & venerationem in terris promovere, atque ampliari satagamus prout pietati consentaneum, & Fidelium aedificationi conducibile fore in Domino arbitramur.

Preces.

§. 1. Alias siquidem piis, enixisque clar. me. Michaelis dum vixit Poloniae Regis Illustris, ac dilectorum filiorum Praepositi Generalis, & Praebyterorum regularium Societatis Jesu precibus nobis humiliter porrectis favorabilem assensum praebere cupientes, de Venerabilium Fratrum nostrorum S. R. E. Cardinalium sacris Ritibus Praepositorum Consilio, ut de Beato Stanislao Kostka Polono dictae Societatis quotannis die 13. Novembris in universo Regno Poloniae, & Magno Ducatu Lithuaniae, necnon in Ecclesia S. Andreae in Monte Quirinali hujus Almae Urbis nostrae, ubi ejusdem Beati Stanislai Corpus requiescit, ac omnibus, & singulis aliis Ecclesiis dictae Societatis Missa, etiam a Sacerdotibus eo die ad Ecclesias hujusmodi confluentibus, & a Religiosis ejusdem Societatis, ubicumque terrarum existentibus celebrari, & Officium recitari de communi Confessorum non Pontificum juxta rubricas Breviarii, & Missalis Romani libere, & licite possent, & valerent, auctoritate Apostolica concessimus, & indulgimus, & alias prout in Nostreis desuper in simili forma Brevis die 16. Augusti 1670. uberius continetur.

Iterate preces ejusd. Regis, Archiepiscopi, Episcopi, & Nobilium Poloniae pro habendo d. Beatum Patronum principalem d. Regni, & Ducatus Lithuaniae.

§. 2. Cum autem subinde enixa, & reintegratae preces nomine dicti Michaelis Regis, ac Venerabilium Fratrum Archiepiscoporum, ac Episcoporum, necnon dilectorum filiorum nobilium virorum Senatus Regni, & Magni Ducatus praedictorum nobis pari humilitate porrectae fuerint, ut eundem Beatum Stanislauum dictorum Regni, & magni Ducatus Patronum principalem inter alios Patronos Principales, ut exempli gratia sunt Sancti Adalbertus, & alter Stanislauus, ob innumera beneficia, & gratias, quae intercessione dicti Beati Stanislai ab Omnipotenti Deo sibi collata fuisse pio affectu memorabant, declarare de benignitate Apostolica dignaremur: Hinc est quod nos etiam supplicationibus dicti filii Procuratoris in hac causa specialiter deputati nomine Nobis super hoc humiliter porrectis benigne inclinati, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatus existit ad effectum praesentium dumtaxat consequendam harum serie absolventes, & absolutum fore censes, quamvis Constitutiones Apostolicae, & Decreta Congregationis praedictorum Cardinalium die 23. Martii 1630. super Ordinatione servanda pro Patronis eligendis emanata, electionem Beatorum in Patronos fieri vetent, eoque solum qui ab Ecclesia Universali titulo Sanctorum colantur, non autem Beatificatos dumtaxat, in Patronos eligi posse declarant, nihilominus ad majorem Dei laudem, Divinique cultus augmentum id tendere agnoscentes, de memoratorum Cardinalium consilio, praedictum Beatum Stanislauum Kostka Patronum principalem Regni Poloniae, & Magni Ducatus Lithuaniae praedictorum, eisque adjunctarum Provinciarum cum omnibus, & singulis praerogativis, quae principalibus Patronis eorumdem Regni, & Magni Ducatus competunt, & quibus praenominati Sancti Adalbertus, & Stanislauus, aliique Principales Patroni Regni, & Magni Ducatus hujusmodi ibidem de praesentibus gaudent, seu coluntur, juxta tamen ritum rubricarum Breviarii, & Missalis praedictorum dictae auctoritate tenore praesentium declaramus.

Absolutio a censuris, & poenis.

Decreta Congregationis SS. Rituum verant Beatos eligi posse in Patronos.

Pontifex dict. Beatum Stanislauum principalem Regni Poloniae, & Magni Ducatus Lithuaniae Patronum declarat, prout in rub.

§. 3. Ac, ut omnium devotioni erga dictum Beatum Stanislauum consuli valeat, annum ejusdem Beati memoriam in posterum ad diem Dominicam proximam post diem 13. Novembris, in Regno tamen Poloniae, & Magno Ducatu Lithuaniae, adjunctisque Provinciis praedictis dumtaxat transferri posse auctoritate, & tenore praedictis concedimus pariter, & indulgemus.

§. 4. Non obstantibus praefatis Decretis, ac Constitutionibus, & Ordinationibus Apostolicis, caeterisque contrarium statutibus quibuscumque.

§. 5. Volumus autem, ac mandamus praesentium literarum transumptis, seu exemplis, etiam impressis, manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ab omnibus, & ubique tam in iudicio, quam extra illud habeatur, quae haberetur ipsis praesentibus, si forent exhibitae, vel ostensa.

Datum Romae apud S. Mariam Majorem, sub Annulo Piscatoris, die 10. Januarii 1674. Pontificatus nostri Anno Quarto.

I. G. Slufius.

Registr. in Secret. in Libro Brevium Mensis Januarii par. 2. fol. 133.

Confirmatio duorum Decretorum Sacrae Congregationis Episcoporum, & Regularium, quibus declaratur, quod Fratres Excalceati Ordinis Eremitarum S. Augustini sint veri filii dicti Sancti, & gaudeant omnibus Privilegiis, quibus Calceati dicti Ordinis, eorumque Religio gaudet.

LVI.

CLEMENS PAPA X.

Ad perpetuam rei memoriam.

CUM (sicut accepimus) alias a Congregatione tunc existentium S. R. E. Cardinalium negotiis, & Consultationibus Episcoporum, & Regularium praeposita ad favorem Fratrum Excalceatorum Ordinis Eremitarum Sancti Augustini emanaverint duo decreta, tenorum, qui sequuntur videlicet. *Agostiniani Scalzi. Al memoriale del seguente tenore.* Fratres Discalceati S. Augustini Congregationis Italiae, & Galliarum, quibus aliquando per calumniam objicitur, quod non sint veri filii ejusdem Sancti, nec gaudeant privilegio erigendi de licentia Vicarii Generalis in eorum Ecclesiis Societates Corrigiatorum, ac Corrigiatarum S. Augustini, & S. Monicæ cum iisdem Privilegiis, gratiis, & Indulgentiis hæctenus Archiconfraternitati sub titulo D. nostrae de Consolatione in Ecclesia S. Jacobi Bononiae erectae concessis, & concedendis perinde ac Calceati eas erigunt in propriis Ecclesiis de licentia Generalis juxta Breve Gregorii XIII. sub datum 12. Novem. 1579. quod incipit; *Volentes sicut conveniens esse videtur, quod Patentes unionum &c.* atque aliis quibus gaudent Fratres Calceati, ad obviandum eidem calumniae, supplicant humiliter EE. VV., ut dignentur declarare Oratores esse veros S. Augustini filios juxta Breve fel. me. Clementis VIII. sub datum 12. Decembris 1595. quod incipit; *Exponi nobis nuper fecit &c.*, & alterum Breve Urb. VIII. sub datum 21. Julii 1628. & aliud expeditum sub die 29. Augusti 1641., & gaudere dicto, atque aliis omnibus privilegiis omnium Mendicantium, & quibus gaudent Fratres Calceati, sante quod Discalceatorum Congregatio fuit instituta ab ipsomet Ordine in Capitulo Generali de anno 1592., & ut germana S. Augustini fuit habita a sa. me. Clemente VIII. in Breve super receptione Novitiorum, & sim.

Tenor supplicis libelli porrecti a Fratribus Excalceati Ord. Eremitarum S. Augustini Congregationi Episc. & Regul.